

精鈔
大字

隨

園

全

集

欽定四庫全書

卷一百一十五

七

紅豆邨
人詩藁

上海文明書局藏版

前序

夫思王不序典論之書。何點不和小山之作。家庭標舉。達者嗤焉。然而同峯聽雨。分樹看花。雖弁雅之才難。寔吾斯之能信。吐珠於澤。誰能不含。似蘭斯馨。願詳所湛。豈有自矜月旦。擅文休而勿舍。孤對池塘。置阿連而不夢者乎。則有張家鷺鷥。穆氏醍醐。號紅豆之村人。為吾家之臨汝。承繩圍宅。早有奇徵。騎鵝入胎。群鷺英物。視愛同採蜂之事。遊善如原菽之甘。唾地而文成三篇。擊鉢則燭留一寸。風神元定。愛齊梁之音。藻思羊綿。追漢魏之始。詩之作也。僕有感焉。當夫大阮西征。水辭家美。遺奴落地。便伴姊妹。奇薩保以錦袍。音塵如夢。泣叩南之竹枝。相見何年。弟匪徒秋士悲秋。兼且越人安越矣。亡何。僕以徵士之車。折離江之桂。鳳凰蹙下。裁抱僧虔。鬪襦中。更奇康伯。叔也。厝需於側。兄乃見溷而行。從此荆樹重分。河梁再別。雙旌萬里。一面十年。覽揆晚而郎罷先催。免乳遲而摩敦亦老。孤兒有曲。野銚無烟。龍具為衣。馬人作伴。瘴雲似墨。誰送賈李之妻孥。葛帳披霜。空抱王孫之飢渴。雖孤有首邱之想。水尚知歸。而鼓無記里之轂。地難縮短。飛奴不到。沉沉連錦之書。小子勤吟。脈脈阿千之唱。僕乃百練遶寄。双漿星馳。如逆旅鳴。班荆楚地。自同轂伯。為食鄭郊。起渴葵之楸枰。喪迎穆伯。走敏闢之王節。私召陽生。弟於是閭闔呼車。昌披稅駕。身猶楚服。口尚僂音。見故里之粉榆。恍疑前世。拜祖宗之邱墓。哀感旁人。觀者疑返漢之文姬。識者嘆承桃之趙武。當是時

也。春秋書李子來歸。晉史記陶潛隱去靈寶之成人尚早。監河之分潤無多。歟。段龍東少游哀汝文戰再北。鄧禹笑人一枝筆。乾舉家鶴望。弟於是重驅策。再撲韜沂。王桀遠遊。騎馬登樓之恨。元瑜書記殘羹冷炙之場。嘗世味之願領。聽河流之鬱勃。記往事於龍華小劫。求知音於碧海青琴。身賤恩多。天寒袖短。堂竟不卸。晝燭難明。歌纂纂以星沉。唱鳴鳴而雨泣。人之情也。其能已乎。加以天性風華。餘波綺靡。何郎粉不離手。荀令香能染衣。長言則河女三章。開卷則王昌十五。丹心寸意。驅烟墨以如飛。流管青然。繞虹梁而不落。量沙易竭。下筆難休。金塵詞哀。玉台體艷。人恐繁華流蕩。君子之所勿欽。我知比興溫柔。宣尼之所必采。嗟乎。人不足而財有餘。才非患少。春米華而秋落實。學與年增。許武未成弟之名。景讓宜受母之撻。所望燁掌自厲。指心得師。加弓之九和。侯木之三變。形魚昌僕。窮典誥之恢奇。夷鼓青陽。表榮華之族姓。文章不妨放逸。人品故宜謹嚴。使存者謂敏中酷類其兄。後世笑僧彌難為其弟。殿中交代有君已。是替人。海內文章無我當歸阿士。兄校序。

序

詩以言志。而志之大小淺深。則又視乎其人之性情。故又曰。詩以道性情。夫性一而已矣。若情之所發。或有不同。故又曰。發乎情。止乎禮義。然不遊名勝之地。不經名人指授。則其志必不高。不歷遭困苦阨塞之途。則其情或不知返。而其性亦不能忍。而保厥初。雖有所作。亦必不工。即工矣。要祇拾人牙慧。而非吾之真性真情也。是何足以言詩。余自解弄筆研。即持此論。迄今卒未有所得。壬申春。羈旅武林。端居多暇。一日與內弟香亭坐舫齋。偶論及此。香亭題之。逆畫發篋中諸詩。屬為點定。余讀其詩。清麗流逸。約數百首。中間所作與今兄存齋倡和為多。存齋讀破萬卷。詩文高邁迅厲。卒自胸臆流出。蓋其雄傑之氣。寔有高視千古自成一家者。迺香亭年甫弱冠。竟能起而抗之。此固其天分勝也。然亦幸得放浪吳越間。日從存齋作山中遊。且聞起居坐臥。皆有林壑之勝。同時客石城。則有陸甥豫庭。而存齋之門生故舊。亦時時載酒來。蓋無日不讌集。無日不賦詩。宜其所作之多且工也。今存齋補官秦中。香亭以省試不利。隸處於家。其臥室與余相望。嘗見其下帷靜處。平居輒忽忽不樂。偶有所得。則拈毫微吟。不以示人。余竊窺之。陶冶性靈。獨開生面。凡其胸中幽愁憂思。鬱勃不得遂之事。皆一一發之於詩。詩益進。吟益苦。效東野而不失之寒。摹長吉而不至於詭。歐陽子所謂窮而後工。信有之矣。因憶余初來武林時。歲在戊辰。香亭猶未學詩。乃越數年。而所造遽至

於此豈不盛哉。余即日欲北去。則香亭又將之金陵。讀書山中。吾知其感懷疇曩。觸景生情。茹古涵今。其學當日進。而詩當日工。以致必傳於世無疑也。香亭其勉之乎。於臨別時。書數語於簡端。以為異日相見張本云爾。

乾隆十七年歲次玄默。君灘清和月望日。書巢靜者胡德琳拜手題於勾留山房。

紅豆村人詩序

六詩既作。三訓斯傳。窺四變之淵源。綜諸家之體製。嚴儀卿之妙悟。便許參禪。鍾仲偉之鴻裁。誠堪論世。芙蓉初日。應為清標之宗。河漢微雲。更擅風流之最。掣鯨魚於碧海。亦知前有王楊。聽鸚鵡於青春。誰曰後無溫李。要須解酸醎以外。奚必居廊廡之間。或以事本緣情。文偏勝質。剪紅刻翠。居然滴粉搓酥。錯采鏤金。只合淺斟低唱。旗亭雪後。無非下里之詞。欸段風中。無減羹藿之色。元白何曾壓倒。風融大抵闕如。吾弟香亭。善繼家聲。早上詩律。時開門而拈韻。偶擊鉢而尋章。洵可自怡。兼能免俗。望蘇公堤畔。興阮子蒼夜之懷。過和靖亭邊。攜謝眺驚人之句。滿山樓閣。都成畫裏清音。繞廓烟嵐。盡入毫端新雨。為之不已。迄用有成。採本於漢魏以前。汧流逮元明而下。豈獨長城可倚。却秦系之偏師。庶幾寸鐵皆空。比歐陽之白戰。乾隆壬午中秋。兄鑒序。

聽臨汝郎之吹笛。慣作龍吟。學天隨子之解詩。自慚鴨語。屬以渭陽之戚。恩聯日下之名。不
有微詞。莫傾雅抱。憶李札歸吳之日。正劉琨月旦之年。下帷則分照書燈。泛渚則携登花舫。
六朝佳釀。同訪秦淮。一代風騷。共宗鄭谷。搗東山之紫竹。枝秘閣之縹緗。從此巧出龍梭。妙
裁花骨。群呼小宋。神似大蘇。嗣復返轡於西陵。遂爾卜居於江左。萍開一棹。千杯烏柏之林。
柳拂雙鞭。幾曲青溪之路。半生遊覽。由來踪跡皆同。滿紙風華。大抵性靈相近。所嘆凌雲有
賦。負郭無田。馬周以少賤呈書。王粲以求貧作客。怨芙蓉於江上。謂稌西風。望楊柳於樓頭。
淒迷南浦。於是吳頭楚尾。分遊子之琴裝。渭北江南。惜少年之裙屐。芳草碧而王孫不返。斜
陽暮而帝子空悲。時則君更依劉。我遂入洛。屈牧之為記室。卧逸少於東床。喜兩郡之連疆。
輒百里而命駕。魯邾接拆。折梅傳驛使之春。元白聯鑪。畫壁記旗亭之曲。離群代馬。望風樹
以長嘶。極目吳帆。待霜江而共渡。今者重游古郡。再讀新編。負長吉之錦囊。燈前擊鉢。握文
通之彩筆。花裏題襟。琴過成連。遽情移於海島。夢通靈通。得神助於池塘。允堪奪錦。殿中探
驪座上。才驚絕代。不徒寶劍名篇。可欲摩空。豈僅洞簫一賦。為平原而買繡。世人之描畫已
多。過前命而薰香。才子之風流不愧。嗟乎驕驕裘在。尚可提壺。蛺蝶才高。胡為弄戟。讀離騷
而稱名士。且釋窮愁。彈綠綺而對文君。不如歸去。此日鞭然。長影暫陪。戲馬於雄台。來春斗
酒雙柑。遂共賭棋於別野。戊寅仲冬。甥陸建湄君氏題於彭城郡齋。

春夜讀

香亭二兄轍音集

何處寒香入硯清。一編新詠眼全明。春深綠水流珠彩。夜靜清宵墜鵲聲。紙價應同金谷集。
筆鋒休讓玉溪生。詩家半是窮愁客。莫向陳芳乞姓名。漫將小草託禽言。博得清音謝
俗喧。但化朝廷新鸞鷟。任他鴈鷄笑離藩。楚中惜自楠三道。吳下今知有二袁。異日雞
林傳轍句。聯珠一集重吹埴。

山陰二樹童鈺

紅豆村人詩稿目錄

卷一 己巳至癸酉

五言古詩 五首

七言古詩 四首

五言律詩 十七首

七言律詩 三十一首

七言絕句 十四首

卷二 甲戌至乙亥

五言古詩 十七首

七言古詩 五首

五言律詩 十三首

七言律詩 四十七首

五言絕句 一首

七言絕句 十八首

卷三 丙子至戊寅

五言古詩 十四首

七言古詩 四首

五言排律 一首

五言律詩 二十九首

七言律詩 八十一首

五言絕句 一首

七言絕句 二十七首

卷四 己卯

五言古詩 五首

七言古詩 五首

五言古詩二十四首

五言排律一首

五言律詩九首

七言律詩四十八首

七言絕句八首

卷五 庚辰

五言古詩八首

七言古詩五首

五言律詩三十七首

七言律詩三十九首

七言絕句四首

卷六 辛巳至甲申

五言古詩十九首

七言古詩二首

五言排律五首

七言排律一首

五言律詩十七首

七言律詩三十一首

七言絕句十四首

卷七 丙戌至甲午

五言古詩七首

七言古詩四首

五言律詩二十首

七言律詩二十三首

六言詩 四首

七言絕句 三首

卷八 乙未至庚子

五言古詩 四首

詩 三首

七言古詩 五首

五言排律 四首

五言律詩 三十首

七言律詩 三十首

五言絕句 三首

七言絕句 六十五首

卷九 辛丑至寅

五言古詩 十首

長短句 一首

七言古詩 二首

五言排律 四首

七言排律 一首

五言律詩 二十二首

七言律詩 三十五首

四言詩 四首

五言絕句 三首

七言絕句 十五首

卷十 癸卯至丙午

五言古詩 二十六首

七言古詩 十二首

五言排律 一首

五言律詩 十九首

七言律詩三十六首

六言詩一首

九言詩一首

五言絕句三首

七言絕句二十一首

卷十一 丁未至戊申

五言古詩四首

七言古詩二首

五言排律一首

五言律詩十三首

七言律詩十六首

五言絕句四首

七言絕句三十七首

卷十二 己酉至壬子

五言古詩十九首

七言古詩二首

五言排律二首

五言律詩三十三首

七言排律一首

七言律詩四十三首

五言絕句十三首

七言絕句二十三首

六言詩四首

長短句五首

卷十三 癸丑

五言古詩四十二首

七言古詩五首

五言排律三首

五言律詩二十七首

七言律詩十一首

五言絕句四首

七言絕句二十五首

卷十四 甲寅

五言律詩二十八首

七言律詩二十九首

五言排律二首

七言古詩一首

五言絕句六首

七言絕句十六首

紅豆村人詩稿卷一 己巳至癸酉

錢唐袁樹鄉亭

安鶴居即事呈家存齋兄

不賦彈冠賦掛冠。歸來旗鼓建騷壇。坐無尼父為師少。家有元方作弟難。幾點雨敲疎竹暮。一簾春破老梅寒。畫屏山色空明裏。人對斜陽正倚闌。

采蓮曲

莫愁湖畔採新荷。並倚蘭橈緩唱歌。驚起一雙沙上鳥。鴛鴦遂穩睡晴波。月明河漢水。明沙露滴輕容不透紗。分撥荷衣雙蕩漿。當前爭取並頭花。

春齋

春暖著衣單。攤書眼倦看。殘棋催晝短。細雨出門難。霧濕蜂鬚重。花深蝶翅乾。落英春不管。多在石闌干。齋檻臨池畔。滿窗春影賒。柳腰黃半染。萍面綠初遮。夕照微薰草。輕烟薄上花。鏡中顏色改。無力挽韶華。

春柳

纔染鵝黃便帶烟。最愁陰雨斷腸天。身輕祇合隨流水。情重依然似去年。舞袖半垂寒食後。嬌枝多畀杏花邊。章台白馬黃金勒。忍折長條更作鞭。